



2018 оны 05 дугаар сарын 08
№18/1023/

ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

**Монгол Улсын
хууль**

**Монгол Улсын Их Хурлын
тухай хуульд нэмэлт, өөрчлөлт
оруулах тухай**

**Монгол Улсын
Их Хурлын
тогтоол**

**Монголбанкны Мөнгөний
бодлогын хорооны орон тооны
бус гишүүнийг томилох тухай**

**Монгол Улсын
Засгийн газрын
тогтоол**

**Зөвлөх үйлчилгээ үзүүлэх
иргэн, хуулийн этгээдэд тавих
шаардлага, бүртгэх журам
батлах тухай**

ГАРЧИГ

МОНГОЛ УЛСЫН ХУУЛЬ

- | | | | |
|------|--|--|-----|
| 168. | Монгол Улсын Их Хурлын тухай хуульд нэмэлт, өөрчлөлт оруулах тухай | | 521 |
|------|--|--|-----|

МОНГОЛ УЛСЫН ИХ ХУРЛЫН ТОГТООЛ

- | | | | |
|------|---|-----------|-----|
| 169. | Монголбанкны Мөнгөний бодлогын хорооны орон тооны бус гишүүнийг томилох тухай | Дугаар 27 | 522 |
| 170. | Тогтоол хүчингүй болсонд тооцох тухай | Дугаар 28 | 523 |
| 171. | Зарим дэд хорооны бүрэлдэхүүнд өөрчлөлт оруулах тухай | Дугаар 29 | 523 |

МОНГОЛ УЛСЫН ЕРӨНХИЙЛӨГЧИЙН ЗАРЛИГ

- | | | | |
|------|--|-----------|-----|
| 172. | Элчин сайдыг эгүүлэн татах, тохоон томилох тухай | Дугаар 45 | 524 |
|------|--|-----------|-----|

МОНГОЛ УЛСЫН ЗАСГИЙН ГАЗРЫН ТОГТООЛ

- | | | | |
|------|--|-----------|-----|
| 173. | Тогтоолд өөрчлөлт оруулах тухай | Дугаар 26 | 524 |
| 174. | Зөвлөх үйлчилгээ үзүүлэх иргэн, хуулийн этгээдэд тавих шаардлага, бүртгэх журам батлах тухай | Дугаар 27 | 525 |
| 175. | Газрыг улсын тусгай хэрэгцээнд авах тухай | Дугаар 28 | 533 |
| 176. | Журам, жагсаалт батлах тухай | Дугаар 30 | 534 |

МОНГОЛ УЛСЫН ХУУЛЬ

2018 оны 05 дугаар
сарын 03-ны өдөр

Улаанбаатар
хот

МОНГОЛ УЛСЫН ИХ ХУРЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Монгол Улсын Их Хурлын тухай хуулийн 24 дүгээр зүйлийн 24.7 дахь хэсгийн “судалж” гэсний дараа “санал, дүгнэлт гарган” гэж нэмсүгэй.



2 дугаар зүйл. Монгол Улсын Их Хурлын тухай хуулийн 6 дугаар зүйлийн 6.9 дэх хэсгийг доор дурдсанаар өөрчлөн найруулсугай:

“6.9. Доор дурдсан тохиолдолд гишүүний бүрэн эрхийг түдгэлзүүлэх эсэх асуудлыг Улсын Их Хурал шийдвэрлэнэ:

6.9.1. гэмт үйлдлийнх нь явцад, эсхүл гэмт хэргийн газарт нотлох баримттай нь баривчилж, улмаар бүрэн эрхийг нь түдгэлзүүлэх тухай саналыг Улсын ерөнхий прокурор Улсын Их Хуралд оруулсан;

6.9.2. гишүүнд холбогдуулан эрүүгийн хэрэг үүсгэсэн бөгөөд Улсын ерөнхий прокурор түүний бүрэн эрхийг түдгэлзүүлэх тухай саналыг Улсын Их Хуралд оруулсан.”

3 дугаар зүйл. Монгол Улсын Их Хурлын тухай хуулийн 6 дугаар зүйлийн 6.11, 6.12, 6.15 дахь хэсгийн “6.9.1-д” гэснийг “6.9.1, 6.9.2-т” гэж тус тус өөрчилсүгэй.

**МОНГОЛ УЛСЫН
ИХ ХУРЛЫН ДАРГА**

М.ЭНХБОЛД

МОНГОЛ УЛСЫН ИХ ХУРЛЫН ТОГТООЛ

2018 оны 05 дугаар
сарын 03-ны өдөр

Дугаар 27

Улаанбаатар
хот

Монголбанкны Мөнгөний бодлогын хорооны орон тооны бус гишүүдийг томилох тухай

Төв банк /Монголбанк/-ны тухай хуулийн 27³ дугаар зүйлийн 1 дэх хэсэг, Монгол Улсын Их Хурлын чуулганы хуралдааны дэгийн тухай хуулийн 36¹ дүгээр зүйлийн 36^{1.2} дахь хэсгийг үндэслэн Монгол Улсын Их Хурлаас ТОГТООХ нь:

1. Монголбанкны Мөнгөний бодлогын хорооны орон тооны бус гишүүнээр Цэрэндоржийн Батсүх, Цэдэвсүрэнгийн Мөнхбаяр, Чулуундоржийн Хашчулуун нарыг тус тус томилсугай.

2. Энэ тогтоолыг 2018 оны 05 дугаар сарын 03-ны өдрөөс эхлэн дагаж мөрдсүгэй.

**МОНГОЛ УЛСЫН
ИХ ХУРЛЫН ДАРГА**

М.ЭНХБОЛД



МОНГОЛ УЛСЫН ИХ ХУРЛЫН ТОГТООЛ

2018 оны 05 дугаар
сарын 03-ны өдөр

Дугаар 28

Улаанбаатар
хот

Тогтоол хүчингүй болсонд тооцох тухай

Монгол Улсын Их Хурлын тухай хуулийн 43 дугаар зүйлийн 43.1 дэх хэсгийг үндэслэн Монгол Улсын Их Хурлаас ТОГТООХ нь:

1.“Шинжлэх ухаан, технологийн талаар төрөөс баримтлах бодлогыг батлах тухай” Монгол Улсын Их Хурлын 1998 оны 5 дугаар сарын 14-ний өдрийн 55 дугаар тогтоолыг хүчингүй болсонд тооцсугай.

**МОНГОЛ УЛСЫН
ИХ ХУРЛЫН ДАРГА**

М.ЭНХБОЛД

МОНГОЛ УЛСЫН ИХ ХУРЛЫН ТОГТООЛ

2018 оны 05 дугаар
сарын 03-ны өдөр

Дугаар 29

Улаанбаатар
хот

Зарим дэд хорооны бүрэлдэхүүнд өөрчлөлт оруулах тухай

Монгол Улсын Их Хурлын тухай хуулийн 7 дугаар зүйлийн 7.1.7 дахь заалт, 24 дүгээр зүйлийн 24.8 дахь хэсэг, Монгол Улсын Их Хурлын чуулганы хуралдааны дэгийн тухай хуулийн 14 дүгээр зүйлийн 14.4 дэх хэсгийг үндэслэн Монгол Улсын Их Хурлаас ТОГТООХ нь:

1.Улсын Их Хурлын гишүүн Батжаргалын Батзориг, Дуламсүрэнгийн Оюунхорол нарыг Нутгийн удирдлагын дэд хорооны, Улсын Их Хурлын гишүүн Данзангийн Лүндээжанцанг Ёс зүйн дэд хорооны, Улсын Их Хурлын гишүүн Батбаярын Ундармааг Нутгийн удирдлагын болон Сонгогчийн нэрсийн жагсаалт, бүртгэлийн хяналтын дэд хорооны бүрэлдэхүүнээс тус тус чөлөөлсүгэй.

2.Улсын Их Хурлын гишүүн Дуламдоржийн Тогтохсүрэнг Ёс зүйн дэд хорооны, Улсын Их Хурлын гишүүн Октябрийн Баасанхүүг Нутгийн удирдлагын дэд хорооны, Улсын Их Хурлын гишүүн Намсрайн Амарзаяаг Нутгийн удирдлагын болон Сонгогчийн нэрсийн жагсаалт, бүртгэлийн хяналтын дэд хорооны гишүүнээр тус тус баталсугай.

3.Энэ тогтоолыг 2018 оны 05 дугаар сарын 03-ны өдрөөс эхлэн дагаж мөрдсүгэй.

**МОНГОЛ УЛСЫН
ИХ ХУРЛЫН ДАРГА**

М.ЭНХБОЛД



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2018 оны 05 дугаар
сарын 02-ны өдөр

Дугаар 45

Улаанбаатар
хот

Элчин сайдыг эгүүлэн татах, тохоон томилох тухай

Монгол Улсын Үндсэн хуулийн Гучин гуравдугаар зүйлийн 1 дэх хэсгийн 5 дахь заалт, Монгол Улсын Ерөнхийлөгчийн тухай хуулийн 14 дүгээр зүйлийн 3, Дипломат албаны тухай хуулийн 16 дугаар зүйлийн 16.1 дэх хэсгийг тус тус үндэслэн ЗАРЛИГ БОЛГОХ нь:

Монгол Улсаас Израйль Улсад суугаа Онц бөгөөд Бүрэн эрхт Элчин сайд Булгаагийн Алтангэрэлийг эгүүлэн татаж, Израйль Улсад суух Онц бөгөөд Бүрэн эрхт Элчин сайдаар Равдангийн Болдыг томилсугай.

**МОНГОЛ УЛСЫН
ЕРӨНХИЙЛӨГЧ**

**ХАЛТМААГИЙН
БАТТУЛГА**

МОНГОЛ УЛСЫН ЗАСГИЙН ГАЗРЫН ТОГТООЛ

2018 оны 1 дүгээр
сарын 24-ний өдөр

Дугаар 26

Улаанбаатар
хот

Тогтоолд өөрчлөлт оруулах тухай

Онцгой албан татварын тухай хуулийн 6.7, Засгийн газрын тухай хуулийн 30 дугаар зүйлийн 1 дэх хэсэгт заасныг тус тус үндэслэн Монгол Улсын Засгийн газраас ТОГТООХ нь:

1. “Автобензин, дизелийн түлшний гааль, онцгой албан татварын тухай” Засгийн газрын 2015 оны 1 дүгээр сарын 19-ний өдрийн 18 дугаар тогтоолын 1 дүгээр зүйлийг дор дурдсанаар өөрчилсүгэй:

“1. Импортоор оруулж ирсэн автобензин, дизелийн түлшний онцгой албан татварын хэмжээг дор дурдсанаар тогтоосугай:

№	Хилийн боомтын нэр	Ногдуулах онцгой албан татварын хэмжээ (төгрөгөөр)			Дизелийн түлш
		Автобензин (шинжилгээний аргаар тодорхойлсон октаны хэмжээ)			
		80	92	95 болон түүнээс дээш	



1	Цагааннуур, Ярант, Боршоо, Арцсуурь, Тэс, Бургастай, Гашуунсухайт, Шивээхүрэн, Баянхошуу, Бичигт, Хавирга	0	0	0	0
2	Ханх, Ульханмайхан	0	0	0	0
3	Сүхбаатар, Замын-Үүд, Алтанбулаг	0	0	210,000.0	280,000.0
4	Эрээнцэв	0	0	80,000.0	150,000.0

2. Дотоодын зах зээлд борлуулж байгаа автобензин, дизелийн түлшний хангамж, нийлүүлэлтийг тасалдалгүй, жижиглэнгийн үнийг тодорхой түвшинд тогтвортой байлгах талаар холбогдох арга хэмжээ авч, хэрэгжилтэд нь хяналт тавьж ажиллахыг Уул уурхай, хүнд үйлдвэрийн сайд Д.Сумъяабазар, Шударга өрсөлдөөн, хэрэглэгчийн төлөө газрын дарга Б.Лхагва нарт үүрэг болгосугай.

3. Энэ тогтоол гарсантай холбогдуулан “Тогтоолд өөрчлөлт оруулах тухай” Засгийн газрын 2017 оны 11 дүгээр сарын 15-ны өдрийн 309 дүгээр тогтоолыг хүчингүй болсонд тооцсугай.

4. Энэ тогтоолыг 2018 оны 1 дүгээр сарын 25-ны өдрөөс эхлэн дагаж мөрдсүгэй.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

САНГИЙН САЙД

Ч.ХҮРЭЛБААТАР

МОНГОЛ УЛСЫН ЗАСГИЙН ГАЗРЫН ТОГТООЛ

2018 оны 1 дүгээр
сарын 24-ний өдөр

Дугаар 27

Улаанбаатар
хот

**Зөвлөх үйлчилгээ үзүүлэх иргэн, хуулийн этгээдэд
тавих шаардлага, бүртгэх журам батлах тухай**

Барилгын тухай хуулийн 42.4-т заасныг үндэслэн Монгол Улсын Засгийн газраас ТОГТООХ нь:

1. “Зөвлөх үйлчилгээ үзүүлэх иргэн, хуулийн этгээдэд тавих шаардлага, бүртгэх журам”-ыг хавсралт ёсоор баталсугай.

2. Журмын хэрэгжилтэд хяналт тавьж ажиллахыг Барилга, хот байгуулалтын сайд Х.Баделханд үүрэг болгосугай.



3. Энэ тогтоол гарсантай холбогдуулан “Дүрэм батлах тухай” Засгийн газрын 2010 оны 7 дугаар сарын 7-ны өдрийн 185 дугаар тогтоолыг хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

**БАРИЛГА, ХОТ
БАЙГУУЛАЛТЫН САЙД**

Х.БАДЕЛХАН

Засгийн газрын 2018 оны 27 дугаар
тогтоолын хавсралт

**ЗӨВЛӨХ ҮЙЛЧИЛГЭЭ ҮЗҮҮЛЭХ ИРГЭН, ХУУЛИЙН
ЭТГЭЭДЭД ТАВИХ ШААРДЛАГА, БҮРТГЭХ ЖУРАМ**

Нэг. Ерөнхий зүйл

1.1. Энэхүү журмаар Барилгын тухай хуулийн 42.1-д заасан чиглэлээр барилгын салбарын мэргэжлийн зөвлөх үйлчилгээ үзүүлэх иргэн, хуулийн этгээдэд тавих шаардлагыг тогтоох, тэдгээрийг бүртгэх болон түүнтэй холбогдсон бусад харилцааг зохицуулна.

1.2. Энэхүү журам нь улсыг батлан хамгаалах, аюулгүй байдлыг хангах зориулалттай зэвсэгт хүчин, хилийн болон дотоодын цэрэг, тагнуул, онцгой байдлын байгууллагын барилга байгууламж, тусгай объектын барилгын үйл ажиллагаанд зөвлөх үйлчилгээ үзүүлэхтэй холбогдсон харилцаанд хамаарахгүй.

1.3. Хөрөнгө оруулагч, захиалагч Барилгын тухай хуулийн 42.2-т заасны дагуу өндөр болон онцгой төвөгшилтэй барилга байгууламжийн барилгын үйл ажиллагаанд зөвлөх үйлчилгээ авахад энэхүү журамд заасны дагуу бүртгүүлж, зөвлөх үйлчилгээ үзүүлэх эрх авсан иргэн, хуулийн этгээдээр гүйцэтгүүлнэ.

1.4. Хөрөнгө оруулагч, захиалагч Барилгын тухай хуулийн 10.1.1-10.1.3-т заасан ангиллын барилга байгууламжийн үйл ажиллагаанд зөвлөх үйлчилгээ авах тохиолдолд энэхүү журамд заасны дагуу бүртгүүлж, зөвлөх үйлчилгээ үзүүлэх эрх авсан иргэн, хуулийн этгээдээс сонгоно.

Хоёр. Зөвлөх үйлчилгээ үзүүлэх иргэн, хуулийн
этгээдэд тавих шаардлага

2.1. Зөвлөх үйлчилгээ үзүүлэх иргэн дараах шаардлагыг хангасан байна:



2.1.1. тухайн чиглэлээр зөвлөх үйлчилгээ үзүүлэхэд шаардагдах зохих мэргэжил эзэмшсэн;

2.1.2. барилгын салбарын зөвлөх, тэргүүлэх мэргэшлийн зэрэгтэй.

2.2. Зөвлөх үйлчилгээ үзүүлэх хуулийн этгээд дараах шаардлагыг хангасан байна:

2.2.1. хуулийн этгээдийн улсын бүртгэлд бүртгүүлсэн байх;

2.2.2. татвар, нийгмийн даатгалын байгууллагад бүртгүүлсэн байх;

2.2.3. зөвлөх үйлчилгээ үзүүлэх тухайн чиглэлээр энэхүү журмын 3 дугаар хавсралтад заасан хүний нөөцтэй байх.

2.3. Зөвлөх үйлчилгээ үзүүлэх хуулийн этгээдийн хүний нөөц (мэргэжилтэн)-д энэхүү журмын 2.1-д заасан шаардлага нэгэн адил хамаарна.

2.4. Зөвлөх үйлчилгээ үзүүлэх иргэн, хуулийн этгээд нь энэхүү журмаар тогтоосон шаардлагыг хангаж, бүртгүүлснээр барилгын салбарын мэргэжлийн зөвлөх үйлчилгээ үзүүлэх эрхтэй болно.

2.5. Зөвлөх үйлчилгээ үзүүлэх эрх бүхий иргэн, хуулийн этгээд нь хөрөнгө оруулагч, захиалагчтай Барилгын тухай хуулийн 33.1.20-д заасан гэрээ (цаашид “гэрээ” гэх)-г байгуулсны үндсэн дээр зөвлөх үйлчилгээ үзүүлнэ.

2.6. Энэхүү журмын 2.5-д заасан гэрээнд зөвлөх үйлчилгээ үзүүлэх чиглэл, түүний хүрээнд гүйцэтгэх ажил, үйлчилгээг нарийвчлан тусгасан ажлын даалгаврыг хавсаргана.

Гурав. Зөвлөх үйлчилгээ үзүүлэх иргэн, хуулийн этгээдийн нэгдсэн бүртгэл

3.1. Барилгын асуудал хариуцсан төрийн захиргааны байгууллага зөвлөх үйлчилгээ үзүүлэх хүсэлт гаргасан иргэн, хуулийн этгээдийг бүртгэж, нэгдсэн бүртгэл хөтөлнө.

3.2. Зөвлөх үйлчилгээ үзүүлэх хүсэлт гаргасан иргэн энэхүү журмын 1, 2 дугаар хавсралтаар баталсан маягтын дагуу бүртгүүлнэ.

3.3. Зөвлөх үйлчилгээ үзүүлэх хүсэлт гаргасан хуулийн этгээдийг дор дурдсан баримт бичгийг үндэслэн бүртгэнэ:



3.3.1. энэхүү журмын 1 дүгээр хавсралтаар баталсан маягтын дагуу гаргасан хүсэлт;

3.3.2. хуулийн этгээдийн улсын бүртгэлийн гэрчилгээний баталгаажуулсан хуулбар;

3.3.3. энэхүү журмын 3 дугаар хавсралтад заасан хүний нөөцийн талаарх мэдээлэл;

3.3.4. зөвлөх үйлчилгээ үзүүлэх хуулийн этгээдийн мэргэжилтний нийгмийн даатгалын дэвтэр, иргэний үнэмлэхийн хуулбар;

3.3.5. татвар, нийгмийн даатгалын байгууллагад бүртгэлтэй талаарх лавлагаа.

3.4. Барилгын асуудал хариуцсан төрийн захиргааны байгууллага нь иргэн, хуулийн этгээдийн хүсэлтийг хүлээн авч дараах журмын дагуу бүртгэнэ:

3.4.1. энэхүү журамд заасан баримт бичгийн бүрдэл хангагдсан эсэхийг хянах;

3.4.2. зөвлөх үйлчилгээ үзүүлэх иргэн, хуулийн этгээдийн мэргэжилтний холбогдох мэдээллийг Барилгын салбарын ажилтны нэгдсэн бүртгэлтэй тулгаж хянах;

3.4.3. гаргасан хүсэлт нь энэхүү журамд заасан шаардлагыг хангасан тохиолдолд нэгдсэн бүртгэлд бүртгэж, хувийн хэрэг үүсгэх;

3.4.4. зөвлөх үйлчилгээ үзүүлэх иргэн, хуулийн этгээдийг бүртгэсэн талаарх мэдээллийг цахим хэлбэрээр нийтэд мэдээлэх.

3.5. Барилгын асуудал хариуцсан төрийн захиргааны байгууллага зөвлөх үйлчилгээ үзүүлэх иргэн, хуулийн этгээдийг бүртгэх үйл ажиллагааг ажлын 7 хоногт багтаан явуулах бөгөөд бүртгэсэн, эсхүл татгалзсан тухай хариуг хүсэлт гаргагчид албан бичгээр мэдэгдэнэ.

3.6. Зөвлөх үйлчилгээ үзүүлэх иргэн, хуулийн этгээдийг эхний удаа 5 жилийн хугацаагаар бүртгэх бөгөөд мөн хугацаагаар тус тус сунгана.

3.7. Шаардлага хангасан иргэн, хуулийн этгээдийг зөвлөх үйлчилгээ үзүүлэх хэд хэдэн чиглэлээр давхар бүртгэж болно.

3.8. Зөвлөх үйлчилгээ үзүүлэх иргэн, хуулийн этгээдийн нэгдсэн бүртгэлд үйлчилгээ үзүүлэх чиглэл, барилга байгууламжийн төрөл, мэргэжлийн үйл ажиллагааны хүрээг зааж өгнө.

3.9. Нэгдсэн бүртгэлд өөрчлөлт оруулах тохиолдолд иргэн, хуулийн этгээд энэхүү журмын 3.3.2-3.3.5-д заасан холбогдох материалыг бүрдүүлж хүсэлт гаргана.

3.10. Барилгын асуудал хариуцсан төрийн захиргааны байгууллага дараах тохиолдолд зөвлөх үйлчилгээ үзүүлэх иргэн, хуулийн этгээдийг нэгдсэн бүртгэлээс хасч, зөвлөх үйлчилгээ үзүүлэх эрхийг нь хүчингүй болгоно:

3.10.1. өөрөө хүсэлт гаргасан;

3.10.2. зөвлөх үйлчилгээ үзүүлэх бүртгэлийн хугацаа дууссан бөгөөд түүнийг сунгуулах тухай хүсэлт гаргаагүй;

3.10.3. хуурамч баримт бичиг бүрдүүлж бүртгүүлсэн нь эрх бүхий байгууллагын дүгнэлтээр тогтоогдсон;

3.10.4. Барилгын тухай хууль, холбогдох бусад хууль тогтоомжийг зөрчсөн нь эрх бүхий байгууллагын дүгнэлтээр тогтоогдсон;

3.10.5. хуулийн этгээд татан буугдсан, дампуурсан;

3.10.6. зөвлөх үйлчилгээ үзүүлэх иргэн нас барсан.

3.11. Барилгын асуудал хариуцсан төрийн захиргааны байгууллага энэхүү журмын 3.10.3, 3.10.4-т заасан үндэслэлээр нэгдсэн бүртгэлээс хасагдсан иргэн, хуулийн этгээдийн талаар бүртгэл хөтөлж, мэдээллийг тухай бүр нийтэд мэдээлнэ.

Дөрөв. Зөвлөх үйлчилгээ үзүүлэх иргэн, хуулийн этгээдийн мэдээллийн сан

4.1. Нэгдсэн бүртгэлд хамрагдсан зөвлөх үйлчилгээ үзүүлэх иргэн, хуулийн этгээд өөрийн ур чадвар, туршлагыг нийтэд таниулах зорилгоор гүйцэтгэсэн ажил, үйлчилгээний талаарх мэдээллийг барилгын асуудал хариуцсан төрийн захиргааны байгууллагад хүргүүлнэ.

4.2. Барилгын асуудал хариуцсан төрийн захиргааны байгууллага зөвлөх үйлчилгээ үзүүлэх иргэн, хуулийн этгээдийн нэгдсэн бүртгэл, гүйцэтгэсэн ажил, үйлчилгээний талаарх мэдээллийг Барилгын тухай хуулийн 33.1.5-д заасан Барилгын салбарын нэгдсэн мэдээллийн санд байршуулна.



Тав. Бусад

5.1. Барилгын асуудал хариуцсан төрийн захиргааны байгууллага зөвлөх үйлчилгээ үзүүлэх иргэн, хуулийн этгээдийн нэгдсэн бүртгэлтэй холбогдон гарсан санал, гомдлыг хуульд заасны дагуу шийдвэрлэж, нэгдсэн бүртгэлийн талаар нийтэд мэдээлэх, эрх бүхий байгууллагад тайлагнах, мэдээлэх зэрэг ажлыг зохион байгуулан хэрэгжүүлнэ.

5.2. Энэхүү журмыг зөрчсөн албан тушаалтанд Төрийн албаны тухай хууль, холбогдох бусад хуульд заасан хариуцлага хүлээлгэнэ.

Зөвлөх үйлчилгээ үзүүлэх иргэн, хуулийн этгээдэд тавих шаардлага, бүртгэх журмын 1 дүгээр хавсралт

Зөвлөх үйлчилгээ үзүүлэх иргэн, хуулийн этгээдийн бүртгүүлэхэд гаргах өргөдлийн маягт

1. (иргэн, эсхүл хуулийн этгээдийн нэр) нь зөвлөх үйлчилгээ үзүүлэх бүртгэлд хамрагдах (сунгах) хүсэлтээ илэрхийлж байна.

2. Зөвлөх үйлчилгээ үзүүлэх чиглэл:

2.1.....

2.2.....

3. Баталгаа: Зөвлөх үйлчилгээ үзүүлэх нэгдсэн бүртгэлд хамрагдахаар бүрдүүлсэн баримт бичиг нь үнэн зөв бөгөөд шаардлагатай тохиолдолд программ хангамж, багаж, тоног төхөөрөмж, техник хэрэгслийг шалгуулахад бэлэн байна. Зөвлөх үйлчилгээг холбогдох хууль тогтоомж, барилга байгууламжийн нормативын баримт бичгийн дагуу мэргэжлийн өндөр түвшинд хийж гүйцэтгэнэ.

4. Бүртгүүлсэн иргэн, хуулийн этгээдийн мэдээлэл:

Хаяг: аймаг (нийслэл), сум (дүүрэг),
 баг (хороо) гудамж (хороолол),
 байр (хашаа, хаалга)-ны дугаар, холбоо барих утас.

..... (.....)
 Тэмдэг Гарын үсэг Нэр

20... оны сарын-ны өдөр

Зөвлөх үйлчилгээ үзүүлэх иргэн, хуулийн этгээдэд
тавих шаардлага, бүртгэх журмын 2 дугаар хавсралт

Зөвлөх үйлчилгээ үзүүлэх иргэний мэдээлэл

Овог, Регистрын нэр дугаар	Зөвлөх үйлчилгээ үзүүлэх чиглэл	Мэргэжил	Ажилласан жил	Эрдмийн зэрэг	Мэргэшлийн зэрэг авсан огноо, дугаар	Боловсруулсан, хянан тохиолдуулсан, эсхүл гүйцэтгэсэн ажил			Гадаад хэлний түвшин	
						норм, нормативын баримт бичиг	зураг төсөл	барилгын ажил		
1	2	3	4	5	6	7	8	9	10	11

..... (.....)

Тэмдэг Гарын үсэг Нэр

20..... оны сарын-ны өдөр



Зөвлөх үйлчилгээ үзүүлэх иргэн, хуулийн этгээдэд тавих шаардлага, бүртгэх журмын 3 дугаар хавсралт

Зөвлөх үйлчилгээ үзүүлэх хуулийн этгээдэд байвал зохих хүний нөөц

Зөвлөх үйлчилгээ үзүүлэх чиглэл	Хуулийн этгээдийн мэргэжилтэн
Инженер-хайгуулын судалгаа:	-архитектор; -инженер геологич, геотехникийн инженер -геодезийн инженер -гидрогеологийн инженер -газар зохион байгуулалтын инженер
Хөрөнгө оруулалтын судалгаа:	-барилгын, салбарын удирдлага, зохион байгуулалт, менежментийн инженер -бүс нутаг, хот төлөвлөлтийн эдийн засагч -барилгын инженер-эдийн засагч -ус, цахилгаан, дулаан хангамж, агаар сэлгэлт, ариутгах татуургын инженер -төсөвчин
Барилга байгууламжийн зураг төсөл боловсруулах норм, нормативын баримт бичиг боловсруулалтын түвшин тогтоох:	-архитектор -барилга бүтээцийн инженер -дулаан хангамж, агаар сэлгэлтийн системийн инженер -цахилгаан хангамж, автоматжуулалтын инженер -ус хангамж, ариутгах татуургын инженер -холбоо, дохиоллын инженер -төсөвчин
Барилгын материалын үйлдвэрлэлийн техник, эдийн засгийн үндэслэл, түүхий эд болон үйлдвэрлэсэн бүтээгдэхүүний чанар, технологийн хяналт, зөвлөгөө, дүгнэлт гаргах, тоног төхөөрөмжийн угсралт, лабораторийн болон үйлдвэрлэлийн туршилт хийх, технологийн горим тогтоох:	-барилгын материалын үйлдвэрийн технологийн инженер -барилгын материалын үйлдвэрийн тоног төхөөрөмжийн механик инженер -барилгын инженер-эдийн засагч
Барилгын ажлын механикжуулалт, өргөх байгууламж, түүний эд ангийн үйлдвэрлэл, угсралт, оношлогоо, засвар, техникийн үйлчилгээ, тохируулга, зүгшрүүлэлт хийх ажлын технологи, аргачлал тогтоох:	-барилга, замын машин, тоног төхөөрөмжийн механик инженер -барилгын материалын үйлдвэрийн тоног төхөөрөмжийн механик инженер -өргөн тээвэрлэх машин тоног төхөөрөмжийн механик инженер -цахилгаан эсхүл автоматжуулалтын инженер

Барилгын ажлын үе шатанд хяналт тавих, барилга байгууламжийн ашиглалтын үеийн чанар, аюулгүй байдлын төлөвт дүгнэлт гаргах:	-архитектор -барилга бүтээцийн инженер -дулаан хангамж, агаар сэлгэлтийн системийн инженер -цахилгаан хангамж, автоматжуулалтын инженер -ус хангамж, ариутгах татуургын инженер -холбоо, дохиоллын инженер
Төслийн удирдлага, зохион байгуулалт, технологийн түвшин:	-барилгын, салбарын удирдлага, зохион байгуулалт, менежментийн инженер -бүс нутаг, хот төлөвлөлтийн эдийн засагч -барилгын инженер-эдийн засагч -архитектор -барилга бүтээцийн инженер -ус, цахилгаан, дулаан хангамж, агаар сэлгэлт, ариутгах татуургын инженер -төсөвчин
Барилга байгууламжийн захиалагчийн чиг үүргийг хэрэгжүүлэх:	-архитектор -барилга бүтээцийн инженер -дулаан хангамж, агаар сэлгэлтийн системийн инженер -цахилгаан хангамж, автоматжуулалтын инженер -ус хангамж, ариутгах татуургын инженер -холбоо, дохиоллын инженер

МОНГОЛ УЛСЫН ЗАСГИЙН ГАЗРЫН ТОГТООЛ

2018 оны 1 дүгээр
сарын 24-ний өдөр

Дугаар 28

Улаанбаатар
хот

Газрыг улсын тусгай хэрэгцээнд авах тухай

Засгийн газрын 2016-2020 оны үйл ажиллагааны хөтөлбөрийг хэрэгжүүлэх зорилгоор Газрын тухай хуулийн 16.1.13, 18.1.2-т заасныг тус тус үндэслэн Монгол Улсын Засгийн газраас ТОГТООХ нь:

1. Газрын тос боловсруулах үйлдвэр барих зорилгоор Дорноговь аймгийн Алтанширээ сумын нутаг дэвсгэрт орших 150 га газрыг үндэсний хэмжээний томоохон бүтээн байгуулалтын төсөл хэрэгжүүлэх зориулалтаар улсын тусгай хэрэгцээнд авч, газрын хилийн заагийн эргэлтийн цэгүүдийн солбицол, талбайн хэмжээг хавсралт ёсоор баталсугай.



2. Энэ тогтоолын 1 дүгээр зүйлд заасан улсын тусгай хэрэгцээний газарт холбогдох журмын дагуу газар ашиглуулах гэрээ байгуулж, гэрчилгээ олгохыг Газар зохион байгуулалт, геодези, зураг зүйн газрын дарга Ц.Ганхүүд даалгасугай.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

**БАРИЛГА, ХОТ
БАЙГУУЛАЛТЫН САЙД**

Х.БАДЕЛХАН

Засгийн газрын 2018 оны 28 дугаар
тогтоолын хавсралт

**ГАЗРЫН ТОС БОЛОВСРУУЛАХ ҮЙЛДВЭР БАРИХ ЗОРИУЛАЛТААР
УЛСЫН ТУСГАЙ ХЭРЭГЦЭЭНД АВАХ ГАЗРЫН БАЙРШИЛ, ХИЛИЙН
ЗААГИЙН ЭРГЭЛТИЙН ЦЭГҮҮДИЙН СОЛБИЦОЛ, ТАЛБАЙН ХЭМЖЭЭ**

№	Уртраг			Өргөрөг			Талбайн хэмжээ /га/	Зориулалт	Байршил
1	110	20	32.76	44	59	33.11	150	Газрын тос боловсруулах үйлдвэр барих	Дорноговь аймаг, Алтанширээ сум
2	110	20	14.56	45	0	2.82			
3	110	21	17.38	45	0	22.24			
4	110	21	35.62	44	59	52.49			

МОНГОЛ УЛСЫН ЗАСГИЙН ГАЗРЫН ТОГТООЛ

2018 оны 1 дүгээр
сарын 31-ний өдөр

Дугаар 30

Улаанбаатар
хот

Журам, жагсаалт батлах тухай

Засгийн газрын тухай хуулийн 7 дугаар зүйлийн 2 дахь хэсэг, Улсын бүртгэлийн ерөнхий хуулийн 12.8, Харилцаа холбооны тухай хуулийн 20.3-т заасныг тус тус үндэслэн Монгол Улсын Засгийн газраас ТОГТООХ нь:



1. Төрийн мэдээллийн нэгдсэн сүлжээг ашиглах журмыг 1 дүгээр хавсралт, Тусгай хэрэглээний мэдээлэл, холбооны сүлжээ байгуулах, ашиглах журмыг 2 дугаар хавсралт ёсоор тус тус баталсугай.

2. Төрийн мэдээллийн нэгдсэн сүлжээнд холбогдох төрийн байгууллага, төрийн өмчит хуулийн этгээдийн жагсаалтыг 3 дугаар хавсралт ёсоор баталж, энэхүү сүлжээгээр мэдээлэл солилцож, мэдээллийн аюулгүй байдлыг хангаж ажиллахыг Засгийн газрын гишүүд, Засгийн газрын агентлагийн дарга, аймаг, нийслэлийн Засаг дарга нарт үүрэг болгож, холбогдох бусад төрийн байгууллага, албан тушаалтнуудад зөвлөсүгэй.

3. Энэхүү тогтоолын 1 дүгээр зүйлд заасан журмуудад нийцүүлэн холбогдох журам, стандарт, нөхцөл, шаардлагад нэмэлт, өөрчлөлт оруулахыг Харилцаа холбооны зохицуулах хороо (С.Адъяасүрэн), Харилцаа холбоо, мэдээллийн технологийн газрын дарга Б.Чинбатад тус тус даалгасугай.

4. Журмын хэрэгжилтийг хангаж ажиллахыг Харилцаа холбооны зохицуулах хороо (С.Адъяасүрэн), Тагнуулын ерөнхий газрын дарга Д.Гэрэл, Харилцаа холбоо, мэдээллийн технологийн газрын дарга Б.Чинбат нарт тус тус үүрэг болгосугай.

5. Тогтоолыг хэрэгжүүлэхэд шаардагдах зардлыг батлагдсан төсөв, орон тооны хязгаарт багтаан шийдвэрлэхийг Сангийн сайд Ч.Хүрэлбаатар, холбогдох төсвийн ерөнхийлөн захирагч нарт даалгасугай.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

**МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА**

Г.ЗАНДАНШАТАР



Засгийн газрын 2018 оны 30 дугаар
тогтоолын 1 дүгээр хавсралт

ТӨРИЙН МЭДЭЭЛЛИЙН НЭГДСЭН СҮЛЖЭЭГ АШИГЛАХ ЖУРАМ

НЭГ. Нийтлэг зүйл

1.1. Энэхүү журмын зорилго нь төрийн мэдээллийн нэгдсэн сүлжээг ашиглан төрийн байгууллага хооронд мэдээлэл солилцох, төрийн интернэт хэрэглээний сүлжээг нэгдсэн хамгаалалтад оруулахтай холбогдсон харилцааг зохицуулахад оршино.

1.2. Төрийн мэдээллийн нэгдсэн сүлжээ нь төрийн цахим мэдээлэл солилцооны хамгаалагдсан дэд бүтцийг байгуулж, төрийн байгууллага хооронд мэдээлэл солилцох боломж, нөхцөлийг бүрдүүлэх, төрийн албаны интернэт орчинг цахим халдлагаас хамгаалах, зохистой хэрэглээг бий болгох, төрийн мэдээллийн аюулгүй байдлыг хангахад чиглэгдэнэ.

1.3. Төрийн мэдээллийн нэгдсэн сүлжээг ашиглахад Монгол Улсын Үндэсний аюулгүй байдлын үзэл баримтлал, Тагнуулын байгууллагын тухай хууль, Төрийн болон албаны нууцын тухай хууль, Харилцаа холбооны тухай хууль, тэдгээртэй нийцүүлэн гаргасан хууль тогтоомжийн акт болон энэхүү журмыг удирдлага болгоно.

1.4. Төрийн мэдээллийн нэгдсэн сүлжээний үйл ажиллагаанд хууль дээдлэх, нууцлал болон аюулгүй байдлыг хангах, нэгдсэн бодлого төлөвлөлттэй байх, мэдээллийг бүрэн, шуурхай дамжуулах зарчмыг баримтална.

1.5. Энэхүү журамд хэрэглэсэн дараах нэр томъёог дор дурдсан утгаар ойлгоно:

1.5.1. “төрийн мэдээллийн нэгдсэн сүлжээ” гэж төрийн байгууллага хоорондын мэдээлэл солилцоог шуурхай болгох, мэдээллийн аюулгүй байдлыг хангахад чиглэсэн нэгдсэн дэд бүтэц бүхий төрийн интернэт хэрэглээ, төрийн албан болон тусгай хэрэглээний сүлжээний цогцыг;

1.5.2. “төрийн албан хэрэглээний сүлжээ” гэж төрийн байгууллага хооронд мэдээ, мэдээлэл солилцоход ашиглагдах, интернэтийн хязгаарлагдмал хандалттай дотоод сүлжээг;



1.5.3. “төрийн интернэт хэрэглээний сүлжээ” гэж цахим халдлага, аюул заналаас урьдчилан сэргийлэх зорилгоор зохион байгуулсан нэгдсэн хамгаалалт бүхий төрийн байгууллагуудын интернэт сүлжээг;

1.5.4. “тусгай хэрэглээний сүлжээ” гэж төрийн болон албаны нууцад хамаарах мэдээ, мэдээлэл солилцох зорилгоор зохион байгуулсан нууцлалын арга хэрэгсэл, технологи бүхий мэдээлэл, холбооны сүлжээг;

1.5.5. “хэрэглэгч” гэж энэхүү журмын дагуу төрийн албан хэрэглээний, эсхүл төрийн интернэт хэрэглээний сүлжээнд холбогдсон төрийн байгууллага, төрийн өмчит хуулийн этгээдийг;

1.5.6. “төрийн мэдээллийн нэгдсэн сүлжээний систем, тоног төхөөрөмж” гэж төрийн мэдээллийн нэгдсэн сүлжээний зохицуулагчийн систем, программ хангамж, компьютер, тоног төхөөрөмж болон бусад техник хэрэгслийг;

1.5.7. “нууцлалын арга хэрэгсэл, технологи” гэж мэдээллийн аюулгүй байдлыг хангах, мэдээллийг нууцалж дамжуулах зорилгоор ашиглаж байгаа криптографын хэрэгсэл, техник, технологи, систем, зохион байгуулалтын цогц ажиллагааг.

1.6. Энэхүү журам нь төрийн мэдээллийн нэгдсэн сүлжээнд холбогдсон төрийн байгууллага, төрийн өмчит хуулийн этгээдийн үйл ажиллагаанд хамаарна.

ХОЁР. Төрийн мэдээллийн нэгдсэн сүлжээнд
холбогдоход тавигдах шаардлага

2.1. Төрийн мэдээллийн нэгдсэн сүлжээнд холбогдох төрийн байгууллага, төрийн өмчит хуулийн этгээдийн жагсаалтыг Засгийн газар батална.

2.2. Төрийн мэдээллийн нэгдсэн сүлжээг зохион байгуулж, төрийн байгууллага, төрийн өмчит хуулийн этгээдэд ашиглуулах, сүлжээний аюулгүй байдлыг хангах, хяналт тавих үйл ажиллагааг тагнуулын байгууллага (цаашид “төрийн мэдээллийн нэгдсэн сүлжээний зохицуулагч” гэх) хэрэгжүүлнэ.

2.3. Төрийн мэдээллийн нэгдсэн сүлжээ нь дараах дэд сүлжээнээс бүрдэнэ:



- 2.3.1. төрийн албан хэрэглээний;
- 2.3.2. төрийн интернэт хэрэглээний;
- 2.3.3. тусгай хэрэглээний.

2.4. Тусгай хэрэглээний сүлжээ байгуулах, ашиглахтай холбоотой харилцааг тусгай журмаар зохицуулна.

2.5. Төрийн интернэт хэрэглээний сүлжээнд холбогдох төрийн байгууллага, төрийн өмчит хуулийн этгээд буюу хэрэглэгч нь дараах шаардлагыг хангасан байна:

2.5.1. Аж ахуйн үйл ажиллагааны тусгай зөвшөөрлийн тухай хуулийн 15.16.2-т заасны дагуу Харилцаа холбооны зохицуулах хорооноос олгосон тусгай зөвшөөрөл бүхий интернэтийн үйлчилгээ эрхлэгч аж ахуйн нэгж, байгууллагаас интернэтийн үйлчилгээ авсан байх;

2.5.2. интернэтийн үйлчилгээг цахим аюул, заналаас урьдчилан сэргийлэх нэгдсэн хамгаалалтаар дамжуулан авах нөхцөлийг бүрдүүлсэн байх;

2.5.3. тус сүлжээнд холбогдох хэрэглэгч, тэдгээрийн компьютер, тоног төхөөрөмжийг тодорхойлсон байх;

2.5.4. бусад.

2.6. Төрийн албан хэрэглээний сүлжээнд холбогдох хэрэглэгч нь дараахь шаардлагыг хангасан байна:

2.6.1. төрийн интернет хэрэглээний сүлжээнд холбогдсон байх;

2.6.2. тус сүлжээг ашиглах хэрэгцээ, шаардлагаа тодорхойлсон байх;

2.6.3. тоног төхөөрөмж байршуулах тусгай зориулалтын техникийн өрөө, эсхүл шаардлагатай орчин нөхцөлийг бүрдүүлж, хяналтын камер суурилуулсан байх;

2.6.4. тус сүлжээнд холбогдох хэрэглэгч, компьютер, тоног төхөөрөмж болон тэдгээрээс хандах бусад сүлжээний хаяг, домайн нэр, холбоосыг тус тус тодорхойлсон байх;

2.6.5. бусад.

ГУРАВ. Төрийн интернэт хэрэглээний сүлжээг ашиглах

3.1. Хэрэглэгч нь нэгдсэн хамгаалалтад орсон төрийн интернэт хэрэглээний сүлжээг ашиглана.

3.2. Хэрэглэгчийн удирдлага нь өөрийн байгууллагад интернэт, цахим шуудан, сошиал медиа (facebook, twitter, youtube, yahoo, linkedin гэх зэрэг), албаны болон хувийн компьютер, утасгүй сүлжээ, гар утас, мэдээлэл тээгч цахим хэрэгсэл болон бусад цахим систем, тоног төхөөрөмж ашиглах журмыг байгууллагын үйл ажиллагааны онцлог, хэрэгцээ, шаардлагад нийцүүлэн баталж мөрдүүлнэ.

3.3. Хэрэглэгч нь энэхүү журмын 2.5-д заасан шаардлагыг хангаж, төрийн интернэт хэрэглээний сүлжээнд холбогдох хүсэлтийг төрийн мэдээллийн нэгдсэн сүлжээний зохицуулагчид холбогдох материалын хамт хүргүүлнэ.

3.4. Төрийн мэдээллийн нэгдсэн сүлжээний зохицуулагч нь энэхүү журмын 3.3-т заасан хэрэглэгчийн гаргасан хүсэлтийн дагуу холбогдох судалгаа, шалгалтыг хийж, нэгдсэн хамгаалалт бүхий төрийн интернэт хэрэглээний сүлжээнд холбох ажлыг зохион байгуулна.

3.5. Хэрэглэгч болон интернэтийн үйлчилгээ үзүүлэгч аж ахуйн нэгж, байгууллагын хооронд үүсэх харилцаа нь үйлчилгээний гэрээгээр зохицуулагдана.

ДӨРӨВ. Төрийн албан хэрэглээний сүлжээ ашиглах

4.1. Төрийн албан хэрэглээний сүлжээнд холбогдох үйл ажиллагаа нь дараах үе шаттайгаар явагдана:

4.1.1. энэхүү журмын 2.6-д заасан шаардлагыг хангасан хэрэглэгч нь төрийн албан хэрэглээний сүлжээнд холбогдох хүсэлтийг шаардлагатай материалын хамт төрийн мэдээллийн нэгдсэн сүлжээний зохицуулагчид албан бичгээр хүргүүлнэ;

4.1.2. төрийн мэдээллийн нэгдсэн сүлжээний зохицуулагч нь энэхүү журмын 4.1.1-д заасан төрийн мэдээллийн нэгдсэн сүлжээний хэрэглэгчийн хүсэлтийг судалж, төрийн албан хэрэглээний сүлжээнд холбох эсэхийг шийдвэрлэнэ;

4.1.3. төрийн мэдээллийн нэгдсэн сүлжээний зохицуулагч болон хэрэглэгч, түүнийг төлөөлөх мэдээллийн технологи хариуцсан



ажилтан техникийн нөхцөлийн дагуу өөрсдийн систем, тоног төхөөрөмж дээр шаардлагатай холболт, тохиргоог хийж, мэдээлэл солилцох сүлжээний орчинг бүрдүүлсэн тухай акт үйлдэж баталгаажуулна.

4.2. Төрийн албан хэрэглээний сүлжээ нь төрийн байгууллагын дотоод үйл ажиллагаа болон төрийн мэдээллийн нэгдсэн сүлжээнд холбогдсон төрийн байгууллага, төрийн өмчит хуулийн этгээдтэй харилцахад ашиглагддаг систем, компьютер, тоног төхөөрөмжөөс бүрдэх бөгөөд нэгдсэн удирдлага, хамгаалалттай, зөвшөөрөгдсөн хаяг, домайн нэрийн хүрээнд интернэт хандалттай байж болно.

4.3. Төрийн мэдээллийн нэгдсэн сүлжээний зохицуулагч нь сүлжээнд холбогдох хүсэлтийг шийдвэрлэх, холболт хийх, туршилт явуулах ажлыг шуурхай хэрэгжүүлэх зорилгоор үйл ажиллагаандаа цахим (онлайн) шийдлийг нэвтрүүлэн ашиглаж болно.

4.4. Төрийн мэдээллийн нэгдсэн сүлжээний зохицуулагч болон хэрэглэгч систем, сүлжээг бүхэлд нь, эсхүл хэсэгчлэн өөрчлөх, шилжүүлэх, өргөтгөх, цомхотгох тохиолдолд энэ тухайгаа урьдчилан харилцан мэдэгдэж, холбогдох арга хэмжээг авч хэрэгжүүлнэ.

4.5. Төрийн албан хэрэглээний сүлжээ тасрах, доголдох зэрэг аливаа гэмтэл, саатал үүссэн тохиолдолд төрийн мэдээллийн нэгдсэн сүлжээний зохицуулагч болон хэрэглэгч нар өөр өөрсдийн эзэмшил, ашиглалтад байгаа систем, тоног төхөөрөмжийн хүрээнд шалтгааныг тодорхойлж, хэвийн ажиллагаанд оруулах арга хэмжээг дангаар, эсхүл хамтран хэрэгжүүлнэ.

ТАВ. Төрийн мэдээллийн нэгдсэн сүлжээнд оролцогчдын эрх, үүрэг

5.1. Харилцаа холбооны зохицуулах хороо дараах үүрэгтэй:

5.1.1. төрийн мэдээллийн нэгдсэн сүлжээг нийтийн үйлчилгээний сүлжээтэй харилцан холболт хийх асуудлыг холбогдох хууль, дүрэм, журмын дагуу зохицуулах;

5.1.2. Харилцаа холбооны тухай хуулийн 9.1.8-т заасны дагуу төрийн мэдээллийн нэгдсэн сүлжээнд тавигдах стандартыг төрийн мэдээллийн нэгдсэн сүлжээний зохицуулагчтай хамтран боловсруулж, эрх бүхий байгууллагаар батлуулах, хэрэгжилтэд хяналт тавих.

5.2. Харилцаа холбооны асуудал хариуцсан төрийн захиргааны байгууллага дараах үүрэгтэй:

5.2.1. Монгол Улсын мэдээлэл, харилцаа холбооны салбарыг хөгжүүлэх бодлоготой төрийн мэдээллийн нэгдсэн сүлжээний хөгжлийн хэтийн төлөвийг уялдуулах;

5.2.2. төрийн мэдээллийн нэгдсэн сүлжээний ашиглалт, үр ашгийг нэмэгдүүлэх чиглэлээр төрийн байгууллагуудыг манлайлах;

5.2.3. хэрэглэгчийн мэдээллийн технологи хариуцсан ажилтныг сургах, тэдгээрийг мэргэшүүлэх бодлого боловсруулж, холбогдох байгууллагатай хамтран хэрэгжүүлэх.

5.3. Төрийн мэдээллийн нэгдсэн сүлжээний зохицуулагч дараах үүрэгтэй:

5.3.1. төрийн байгууллагууд хооронд цахим мэдээлэл солилцох төрийн мэдээллийн нэгдсэн сүлжээг байгуулж, хэвийн тасралтгүй, найдвартай ажиллагааг хангах, ашиглалт, үйлчилгээг эрхлэх;

5.3.2. төрийн мэдээллийн нэгдсэн сүлжээний аюулгүй байдлыг хангах удирдлага зохион байгуулалт, техникийн цогц арга хэмжээг хэрэгжүүлэх;

5.3.3. төрийн мэдээллийн нэгдсэн сүлжээний нууцлал, хамгаалалтын техник технологи, программ хангамжийг хөгжүүлэх асуудлаар судалгаа, шинжилгээ хийх;

5.3.4. төрийн мэдээллийн нэгдсэн сүлжээнд илэрсэн эрсдэл, болзошгүй аюул занал, үүссэн цахим халдлагын талаар мэдээллийн сан бүрдүүлэх;

5.3.5. төрийн мэдээллийн нэгдсэн сүлжээнд ашиглагдаж байгаа техник хэрэгсэл, программ хангамжийн аюулгүй байдалд хяналт тавих;

5.3.6. төрийн мэдээллийн нэгдсэн сүлжээний хэвийн, тасралтгүй ажиллагааг хангахад шаардлагатай техник хэрэгсэл, программ хангамж, сэлбэг материалын нөөц бүрдүүлэх.

5.4. Төрийн мэдээллийн нэгдсэн сүлжээний зохицуулагч дараахь эрхтэй:

5.4.1. энэхүү журмын 2.5, 2.6-д заасан шаардлагыг хангасан төрийн байгууллага, төрийн өмчит хуулийн этгээдийг төрийн албан болон интернэт хэрэглээний сүлжээнд холбох;



5.4.2. шаардлагатай тохиолдолд өмчийн хэлбэр харгалзахгүйгээр байгууллага, аж ахуйн нэгжийн сүлжээг (*ИНЕГ, МХС ХК, МЦХ ХК, Скайнетворк, Төмөр замын дохиолол холбооны 2-р анги гэх мэт*) тэдгээртэй харилцан тохиролцож гэрээний үндсэн дээр төрийн мэдээллийн нэгдсэн сүлжээтэй холбож ашиглах;

5.4.3. төрийн мэдээллийн нэгдсэн сүлжээнд эрсдэлийн болон техник, технологийн нэгдсэн удирдлагыг хэрэгжүүлж, хяналт шалгалт хийх;

5.4.4. хэрэглэгч талд байрлах төрийн мэдээллийн нэгдсэн сүлжээний систем, тоног төхөөрөмж, түүгээр дамжуулах, солилцох мэдээ, мэдээллийн аюулгүй байдлыг хангах ажлыг мэдээлэл эзэмшигчтэй хамтран зохион байгуулах, хяналт тавих;

5.4.5. төрийн мэдээллийн нэгдсэн сүлжээний хэвийн үйл ажиллагаа алдагдсан, мэдээлэл алдагдах эрсдэл үүссэн, мэдээлэл алдагдсан тохиолдолд гарсан зөрчлийг арилгах хүртэлх хугацаанд сүлжээний үйл ажиллагааг хэсэгчлэн, эсхүл бүхэлд нь түр зогсоох;

5.4.6. энэхүү журмын хэрэгжилтийг хангахтай холбоотой асуудлаар хэрэглэгчид шаардлага тавих;

5.4.7. хэрэглэгчийн талд байрлах төрийн мэдээллийн нэгдсэн сүлжээний систем, тоног төхөөрөмжийн тохируулгыг биечлэн болон алсаас хийх.

5.5. Төрийн мэдээллийн нэгдсэн сүлжээний хэрэглэгч дараах үүрэгтэй:

5.5.1. төрийн мэдээллийн нэгдсэн сүлжээний систем, тоног төхөөрөмж, холболт, арга ажиллагаа, тэдгээртэй холбоотой баримт бичгийн нууцлал, аюулгүй байдал, хадгалалт, хамгаалалт, бүрэн, бүтэн байдлыг хариуцах;

5.5.2. өөрийн байгууллагын холбогдох систем, тоног төхөөрөмжийг төрийн мэдээллийн нэгдсэн сүлжээний зохицуулагчийн аюулгүй байдлын нэгдсэн удирдлага, хяналтад оруулах;

5.5.3. төрийн мэдээллийн нэгдсэн сүлжээний зохицуулагчийн зөвлөмж, шаардлагыг өөрийн байгууллагад хэрэгжүүлэх;

5.5.4. төрийн мэдээллийн нэгдсэн сүлжээний засвар, үйлчилгээ, гэмтэл, саатал, эрсдэл, аюул занал, цахим халдлагатай

холбоотой аливаа асуудлын талаар төрийн мэдээллийн нэгдсэн сүлжээний зохицуулагчид нэн даруй мэдэгдэх;

5.5.5. төрийн мэдээллийн нэгдсэн сүлжээний ашиглалт, үр ашгийг нэмэгдүүлэх, боловсронгуй болгох талаар санаачлага гаргаж, холбогдох байгууллагатай хамтран ажиллах;

5.5.6. төрийн мэдээллийн нэгдсэн сүлжээний холболтод өөрчлөлт оруулах тохиолдолд төрийн мэдээллийн нэгдсэн сүлжээний зохицуулагчаас зөвшөөрөл авах;

5.5.7. байгууллагын хэмжээнд төрийн мэдээллийн нэгдсэн сүлжээний асуудлыг холбогдох нэгж, ажилтанд хариуцуулах;

5.6. Төрийн мэдээллийн нэгдсэн сүлжээний хэрэглэгч дараах эрхтэй:

5.6.1. төрийн мэдээллийн нэгдсэн сүлжээгээр мэдээ, мэдээллийг дамжуулах үеийн сүлжээ, системийн хэвийн, тасралтгүй ажиллагааг хангуулах;

5.6.2. төрийн мэдээллийн нэгдсэн сүлжээний аюулгүй байдлыг хангах асуудлаар төрийн мэдээллийн нэгдсэн сүлжээний зохицуулагчаас мэргэжлийн зөвлөгөө, дэмжлэг авах;

5.6.3. төрийн мэдээллийн нэгдсэн сүлжээг ашиглахтай холбоотой асуудлаар төрийн мэдээллийн нэгдсэн сүлжээний зохицуулагчид санал, гомдол гаргах, шийдвэрлүүлэх.

ЗУРГАА. Хориглох зүйл

6.1. Төрийн мэдээллийн нэгдсэн сүлжээг ашиглахад дараах үйл ажиллагааг хориглоно:

6.1.1. зөвшөөрөлгүйгээр тус сүлжээний систем, тоног төхөөрөмжийг ашиглах, нэвтрэхийг оролдох, нэвтрэх, сүлжээнээс салгах, унтраах, асаах, зөөвөрлөх, тохиргоог өөрчлөх;

6.1.2. төрийн мэдээллийн нэгдсэн сүлжээний хэрэглэгч нь тус сүлжээнд нэвтрүүлсэн удирдлага, хяналт, хамгаалалтаас зайлсхийх;

6.1.3. төрийн нууцад хамаарах мэдээ, мэдээллийг төрийн интернэт болон албан хэрэглээний сүлжээнд холбогдсон компьютер, тоног төхөөрөмж ашиглан боловсруулах, төрийн албан болон интернэт хэрэглээний сүлжээгээр дамжуулах.



ДОЛОО. Журам зөрчигчид хүлээлгэх хариуцлага

7.1. Энэхүү журмыг зөрчсөн этгээдэд холбогдох хууль тогтоомжид заасан хариуцлага хүлээлгэнэ.

7.2. Энэхүү журмыг зөрчсөн, төрийн мэдээллийн нэгдсэн сүлжээний зохицуулагчийн хууль ёсны шаардлагыг биелүүлээгүй, үйл ажиллагаанд нь саад учруулсан албан тушаалтны үйлдэлд эрүүгийн, зөрчлийн хариуцлага хүлээлгэхээргүй бол төрийн мэдээллийн нэгдсэн сүлжээний зохицуулагчаас тухайн албан тушаалтанд холбогдох сахилгын хариуцлага хүлээлгүүлэхээр түүний харьяалах дээд шатны байгууллага, албан тушаалтанд санал тавьж шийдвэрлүүлнэ.

Засгийн газрын 2018 оны 30 дугаар
тогтоолын 2 дугаар хавсралт

ТУСГАЙ ХЭРЭГЛЭЭНИЙ МЭДЭЭЛЭЛ, ХОЛБООНЫ СҮЛЖЭЭ БАЙГУУЛАХ, АШИГЛАХ ЖУРАМ

НЭГ. Нийтлэг үндэслэл

1.1. Энэхүү журмын зорилго нь тусгай хэрэглээний мэдээлэл, холбооны сүлжээ байгуулах, эзэмших, ашиглах, хамгаалах, түүнд хяналт тавих, нийтийн үйлчилгээний болон бусад сүлжээтэй харилцан холболт хийхэд үүсэх харилцааг зохицуулахад оршино.

1.2. Тусгай хэрэглээний мэдээлэл, холбооны сүлжээ байгуулах, ашиглахад Монгол Улсын Үндэсний аюулгүй байдлын тухай хууль, Төрийн болон албаны нууцын тухай хууль, Тагнуулын байгууллагын тухай хууль, Төрийн тусгай хамгаалалтын тухай хууль, Харилцаа холбооны тухай хууль, Радио долгионы тухай хууль, Онц байдлын тухай хууль, Гамшгаас хамгаалах тухай хууль, Хилийн тухай хууль, Дайн бүхий байдлын тухай хууль, Дайны байдлын тухай хууль, тэдгээртэй нийцүүлэн гаргасан хууль тогтоомжийн бусад акт болон энэхүү журмыг дагаж мөрдөнө.

1.3. Тусгай хэрэглээний мэдээлэл, холбооны сүлжээний үйл ажиллагаанд нэгдсэн бодлого, төлөвлөлттэй байх, мэдээллийн нууцлал, аюулгүй байдлыг хангасан байх зарчмыг баримтална.

ХОЁР. Нэр томъёоны тодорхойлолт

2.1. Энэхүү журамд хэрэглэсэн дараах нэр томъёог дор дурдсан утгаар ойлгоно:

2.1.1. “тусгай хэрэглээний мэдээлэл, холбооны сүлжээ” гэж төрийн болон албаны нууцад хамаарах мэдээ, мэдээлэл солилцох зорилгоор зохион байгуулсан нууцлалын арга хэрэгсэл, технологи бүхий мэдээлэл, холбооны сүлжээг;

2.1.2. “нууцлалын арга хэрэгсэл, технологи” гэж мэдээллийн аюулгүй байдлыг хангах, мэдээллийг нууцалж дамжуулах зорилгоор ашиглаж байгаа криптографын хэрэгсэл, техник, технологи, систем, зохион байгуулалтын цогц ажиллагааг.

ГУРАВ. Тусгай хэрэглээний мэдээлэл, холбооны сүлжээний төрөл, түүнд тавигдах үндсэн шаардлага

3.1. Монгол Улсын батлан хамгаалах, аюулгүй байдлыг хангах, гамшгаас хамгаалах, гэмт хэрэгтэй тэмцэх, нийгмийн хэв журам сахиулах, хил хамгаалах, шүүхийн шийдвэр гүйцэтгэх үүрэг бүхий байгууллага энэхүү журмын 2.1.1-д заасан сүлжээг өөрийн үйл ажиллагааны онцлогт тохируулан зохион байгуулж болно.

3.2. Тусгай хэрэглээний мэдээлэл, холбооны сүлжээ нь дараах нөхцөл, шаардлагыг хангасан байна:

3.2.1. мэдээлэл дамжуулах өндөр хурдны өргөн зурвастай;

3.2.2. байнгын бэлэн байдалд, тогтвортой ажиллагаатай;

3.2.3. мэдээллийн аюулгүй байдал, нууцлалыг хангасан;

3.2.4. нийтийн үйлчилгээний сүлжээтэй харилцан холболт хийх олон улсын стандарт шаардлагыг хангасан техник, технологи, программ хангамжтай;

3.2.5. нөөц сүлжээтэй.

ДӨРӨВ. Тусгай хэрэглээний мэдээлэл, холбооны сүлжээ байгуулах эрх бүхий байгууллагуудын эрх, үүрэг

4.1. Монгол Улсын батлан хамгаалах, аюулгүй байдлыг хангах, гамшгаас хамгаалах, гэмт хэрэгтэй тэмцэх, нийгмийн хэв журам сахиулах, хил хамгаалах, шүүхийн шийдвэр гүйцэтгэх үүрэг бүхий байгууллага нь дараах эрхтэй:

4.1.1. байгууллагын үйл ажиллагааны онцлогт тохируулан тусгай хэрэглээний мэдээлэл, холбооны сүлжээ байгуулах, эзэмших, ашиглах, түүгээр дамжуулах мэдээллийн аюулгүй байдлыг хангах, хяналт тавих асуудлаар журам, заавар боловсруулж, дагаж мөрдөх;



4.1.2. Монгол Улсын хилийн зурвас, бүс, цэргийн анги, салбар, тусгай үүрэг гүйцэтгэж буй орчинд тусгай хэрэглээний радио давтамжийн ашиглалтад хяналт тавих, холбогдох арга хэмжээг авч ажиллах;

4.1.3. энэхүү журмын 4.3-т заасан байгууллагаар эрсдэлийн үнэлгээ хийлгүүлэх;

4.1.4. тусгай хэрэглээний мэдээлэл, холбооны сүлжээний шинэ технологи, программ хангамжийг зохион бүтээх, үйлдвэрлэх, турших, эрдэм шинжилгээний ажлыг гэрээний үндсэн дээр хамтран хэрэгжүүлэх, холбогдох байгууллагаар гүйцэтгүүлэх;

4.1.5. тусгай хэрэглээний мэдээлэл, холбооны сүлжээнд ашиглах тоног төхөөрөмж, программ хангамжийг холбогдох хууль тогтоомжийн дагуу худалдан авч, нийлүүлэх.

4.2. Монгол Улсын батлан хамгаалах, аюулгүй байдлыг хангах, гамшгаас хамгаалах, гэмт хэрэгтэй тэмцэх, нийгмийн хэв журам сахиулах, хил хамгаалах, шүүхийн шийдвэр гүйцэтгэх үүрэг бүхий байгууллага нь дараах үүрэгтэй:

4.2.1. өөрийн зохион байгуулсан тусгай хэрэглээний мэдээлэл холбооны сүлжээг тагнуулын байгууллагаар аюулгүй байдлыг нь баталгаажуулсны үндсэн дээр төрийн нууцад хамаарах мэдээ, мэдээлэл дамжуулах;

4.2.2. харилцаа холбооны асуудал эрхэлсэн төрийн захиргааны байгууллагын баталсан “Радио давтамжийн зурвасыг төлөвлөх, ашиглах журам”-ыг дагаж мөрдөх;

4.2.3. тусгай хэрэглээний мэдээлэл, холбооны сүлжээгээр гамшгийн аюулын зарлан мэдээллийг дамжуулахдаа “Гамшгийн аюулын тухай зарлан мэдээллийн дохио дамжуулах журам”-ыг баримтлах;

4.2.4. тусгай хэрэглээний мэдээлэл, холбооны сүлжээг байгалийн гамшиг, аюулт үзэгдэл, техникийн холбогдолтой осол, онцгой нөхцөл байдлын үед уг нөхцөл байдлыг арилгах хүртэлх хугацаанд нийтийн үйлчилгээнд ашиглуулах, сэргээн босгох ажилд дэмжлэг үзүүлэх;

4.2.5. энэхүү журмын 3.2-т заасныг хангахад шаардлагатай тоног төхөөрөмж, программ хангамж, инженер техникийн ажилтантай байх.

4.3. Тагнуулын байгууллага дараах эрхтэй:

4.3.1. хуулиар тогтоосон өөрийн бүрэн эрхийн хүрээнд төрийн байгууллага хооронд төрийн болон албаны нууцад хамаарах мэдээ, мэдээлэл дамжуулах тусгай хэрэглээний мэдээлэл, холбооны сүлжээ, түүний дэд бүтэц, удирдлага, хяналтын төвийг байгуулж, эзэмших, ашиглах, ашиглуулах, аюулгүй байдлыг хангах;

4.3.2. тусгай хэрэглээний радио давтамжийн зурвасыг дангаар эзэмшиж, радио давтамж, цахилгаан холбооны дугаарлалтыг хуваарилуулж төлбөргүй ашиглах;

4.3.3. тусгай хэрэглээний мэдээлэл, холбооны сүлжээнд ашиглаж байгаа тоног төхөөрөмж, техник хэрэгсэл, программ хангамж, түлхүүр, тэдгээрийн ашиглалт, хадгалалтад хяналт тавих;

4.3.4. тусгай хэрэглээний мэдээлэл, холбооны сүлжээнд эрсдэлийн үнэлгээ хийх;

4.3.5. тусгай хэрэглээний радио давтамжийн нэгдсэн төлөвлөлтийг боловсруулах;

4.3.6. Монгол Улсын нутаг дэвсгэрт болон хилийн чанадад тусгай хэрэглээний мэдээлэл, холбооны сүлжээг зохион байгуулахад шаардагдах суваг, үл хөдлөх хөрөнгийг түрээслэх, ашиглах.

4.4. Тагнуулын байгууллага дараах үүрэгтэй:

4.4.1. Монгол Улсын батлан хамгаалах, аюулгүй байдлыг хангах, гамшгаас хамгаалах, гэмт хэрэгтэй тэмцэх, нийгмийн хэв журам сахиулах, хил хамгаалах, шүүхийн шийдвэр гүйцэтгэх үүрэг бүхий байгууллагыг тусгай хэрэглээний мэдээлэл, холбооны нууцлал, аюулгүй байдлын техник, технологийн нэгдсэн бодлогоор хангаж ажиллах;

4.4.2. төрийн нууцад хамаарах мэдээллийг боловсруулах, хадгалах, дамжуулах техник хэрэгсэл, програм хангамж, системийг суурилуулж, түүний аюулгүй байдлыг хангах.

4.4.3. шаардлагатай тохиолдолд тусгай хэрэглээний мэдээлэл, холбооны сүлжээ хоорондын харилцааг зохицуулах, технологи, техникийн шийдэл гаргах, сүлжээний хэвийн ажиллах нөхцөлийг бүрдүүлэх, тулгамдсан асуудлыг шийдвэрлүүлэх үүрэг бүхий ажлын хэсгийг Монгол Улсын Ерөнхий сайдын захирамжаар байгуулан ажиллуулж болно.



ТАВ. Харилцаа холбооны асуудал хариуцсан төрийн захиргааны байгууллагын эрх, үүрэг

5.1. Харилцаа холбооны асуудал хариуцсан төрийн захиргааны байгууллага дараах эрхтэй:

5.1.1. Монгол Улсын мэдээлэл, харилцаа холбооны салбарыг хөгжүүлэх төрийн бодлоготой тусгай хэрэглээний мэдээлэл, холбооны хөгжлийн хэтийн төлөвийг уялдуулах;

5.1.2. тусгай хэрэглээний радио давтамжийн нэгдсэн төлөвлөлтийг батлах.

5.2. Харилцаа холбооны асуудал хариуцсан төрийн захиргааны байгууллага дараах үүрэгтэй:

5.2.1. тусгай хэрэглээний мэдээлэл, холбооны сүлжээ байгуулах эрх бүхий байгууллагын хүний нөөцийг сургах, мэргэшүүлэхэд хамтран ажиллах;

5.2.2. хууль тогтоомжид заасан бусад үүрэг.

5.3. Харилцаа холбооны зохицуулах хороо дараах эрхтэй:

5.2.1. тусгай хэрэглээний мэдээлэл, холбооны сүлжээг нийтийн үйлчилгээний сүлжээтэй харилцан холболт хийх асуудлыг холбогдох хууль, дүрэм, журмын дагуу зохицуулах;

5.2.2. тусгай хэрэглээний радио давтамжийг төлөвлөлтийн дагуу хуваарилах, бүртгэх;

5.2.3. тусгай хэрэглээний мэдээлэл, холбооны сүлжээнд цахилгаан холбооны дугаарлалтыг хуваарилж, ашиглуулах, хяналт тавих;

5.2.4. тусгай хэрэглээний мэдээлэл, холбооны сүлжээнд тавигдах стандартыг энэхүү журмын 3.1-д заасан байгууллагатай хамтран боловсруулж, хэрэгжилтэд хяналт тавих.

ЗУРГАА. Бусад байгууллагатай харилцах

6.1. Тусгай хэрэглээний мэдээлэл, холбооны сүлжээ, орон нутгийн мэдээлэл, харилцаа холбооны байгууллагын хүн, хүч, техник хэрэгслийг дараах тохиолдолд аймаг, нийслэлийн Засаг даргын шийдвэрээр дайчлан ажиллуулна:



6.1.1. терроризмын аюул занал үүсч болзошгүй болсон, эсхүл үүссэн;

6.1.2. нийтийг хамарсан эмх замбараагүй байдал бий болсон;

6.1.3. байгалийн гамшиг, аюулт үзэгдэл, техникийн холбогдолтой осол, онцгой нөхцөл байдал үүссэн;

6.1.4. гамшгийн аюулаас урьдчилан сэргийлэх, эрэн хайх, аврах, хор уршгийг арилгах;

6.1.5. шүүхийн шийдвэр гүйцэтгэх байгууллагаас оргосон ялтныг эрэн сурвалжлах.

ДОЛОО. Хориглох зүйл, хариуцлага

7.1. Тусгай хэрэглээний мэдээлэл, холбооны сүлжээг эрх бүхий байгууллагын зөвшөөрөлгүйгээр нийтийн үйлчилгээний сүлжээнд холбох, тусгай хэрэглээний радио давтамжийн зурвасыг бусдад шилжүүлэх болон уг сүлжээний тоног төхөөрөмжийг бусдад худалдах, ашиглуулахыг хориглоно.

7.2. Монгол Улсын хилийн зурвас, бүс, хил орчмын нутаг дэвсгэр, цэргийн анги, салбар, түүний байрлалын орчинд ажиллаж байгаа төрийн албан хаагч хил залгаа гадаад улсаас үйл ажиллагааг нь удирдан явуулж байгаа радио холбоо болон үүрэн телефоныг албан ажилд ашиглахыг хориглоно.

7.3. Энэхүү журмыг зөрчсөн этгээдэд холбогдох хуулийн дагуу хариуцлага хүлээлгэнэ.

Засгийн газрын 2018 оны 30 дугаар
тогтоолын 3 дугаар хавсралт

ТӨРИЙН МЭДЭЭЛЛИЙН НЭГДСЭН СҮЛЖЭЭНД ХОЛБОГДОХ ТӨРИЙН БАЙГУУЛЛАГА, ТӨРИЙН ӨМЧИТ ХУУЛИЙН ЭТГЭЭД

Нэг. Монгол Улсын Их Хурал	
1.	Улсын Их Хурлын Тамгын газар
2.	Үндэсний аудитын газар
3.	Үндэсний статистикийн хороо



4.	Монголбанк
5.	Төрийн албаны зөвлөл
6.	Санхүүгийн зохицуулах хороо
7.	Сонгуулийн ерөнхий хороо
8.	Авлигатай тэмцэх газар
9.	Хүний эрхийн үндэсний комисс
10.	Цагаатгах ажлыг удирдан зохион байгуулах комисс
Хоёр. Монгол Улсын Ерөнхийлөгч	
1.	Ерөнхийлөгчийн Тамгын газар
2.	Үндэсний аюулгүй байдлын зөвлөлийн ажлын алба
Гурав. Монгол Улсын Засгийн газар	
1.	Засгийн газрын Хэрэг эрхлэх газар
2.	Гадаад харилцааны яам
3.	Сангийн яам
4.	Хууль зүй, дотоод хэргийн яам
5.	Байгаль орчин, аялал жуулчлалын яам
6.	Батлан хамгаалах яам
7.	Боловсрол, соёл, шинжлэх ухаан, спортын яам
8.	Зам, тээврийн хөгжлийн яам
9.	Хөдөлмөр, нийгмийн хамгааллын яам
10.	Хүнс, хөдөө аж ахуй, хөнгөн үйлдвэрийн яам
11.	Уул уурхай, хүнд үйлдвэрийн яам
12.	Барилга, хот байгуулалтын яам
13.	Эрчим хүчний яам
14.	Эрүүл мэндийн яам
Дөрөв. Шүүх, прокурор	
1.	Үндсэн хуулийн цэц
2.	Шүүхийн ерөнхий зөвлөл
3.	Улсын дээд шүүх
4.	Улсын ерөнхий прокурорын газар



Тав. Засгийн газрын агентлаг	
1.	Тагнуулын ерөнхий газар
2.	Харилцаа холбоо, мэдээллийн технологийн газар
3.	Үндэсний хөгжлийн газар
4.	Төрийн өмчийн бодлого, зохицуулалтын газар
5.	Мэргэжлийн хяналтын ерөнхий газар
6.	Онцгой байдлын ерөнхий газар
7.	Шударга өрсөлдөөн, хэрэглэгчийн төлөө газар
8.	Стандарт, хэмжил зүйн газар
9.	Цаг уур, орчны шинжилгээний газар
10.	Зэвсэгт хүчний жанжин штаб
11.	Гаалийн ерөнхий газар
12.	Татварын ерөнхий газар
13.	Цагдаагийн ерөнхий газар
14.	Хил хамгаалах ерөнхий газар
15.	Оюуны өмч, улсын бүртгэлийн ерөнхий газар
16.	Архивын ерөнхий газар
17.	Шүүхийн шийдвэр гүйцэтгэх ерөнхий газар
18.	Гадаадын иргэн, харьяатын газар
19.	Нийгмийн даатгалын ерөнхий газар
20.	Хөдөлмөр, халамжийн үйлчилгээний ерөнхий газар
21.	Гэр бүл, хүүхэд, залуучуудын хөгжлийн газар
22.	Газар зохион байгуулалт, геодези, зураг зүйн газар
23.	Биеийн тамир, спортын газар
24.	Соёл, урлагийн газар
25.	Иргэний нисэхийн ерөнхий газар
26.	Ашигт малтмал, газрын тосны газар
27.	Мал эмнэлэг, үржлийн газар
28.	Эрүүл мэндийн даатгалын ерөнхий газар
Зургаа. Бусад	
1.	Харилцаа, холбооны зохицуулах хороо
2.	Эрчим хүчний зохицуулах хороо



3.	Удирдлагын академи
4.	Төр, засгийн үйлчилгээ, аж ахуйг эрхлэх газар
5.	Шүүхийн шинжилгээний үндэсний хүрээлэн
6.	Аймаг, нийслэлийн Засаг даргын тамгын газар
7.	Аймаг, нийслэлийн хууль, хяналтын байгууллагууд
8.	Онц чухал мэдээллийн дэд бүтэцтэй төрийн өмчит хуулийн этгээдүүд

Хаяг:

“Төрийн мэдээлэл” эмхэтгэлийн редакц,
Улаанбаатар-14201, Төрийн ордон 124 тоот
И-мэйл: turiin_medeel@parliament.mn

Утас: 262420

Хэвлэлийн хуудас: 2

Индекс: 200003